

Intelixencia artificial

Introdución á Intelixencia Artificial

Respóndelle a UX1A



Vídeo interactivo, baseado na entrevista coral ás expertas en IA Verónica Bolón, Sara Guerreiro e Minia Manteiga, no que o alumnado irá afianzando os seus coñecementos sobre cuestións esenciais sobre a Intelixencia Artificial a través de sinxelas preguntas ao final de cada bloque de temático.

Este contido está vinculado ao de “As entrevistas de UX1A”, que incorpora o vídeo lineal (sen preguntas) das expertas con todos os controis habilitados (avance, retroceso, pause, subtítulos etc.) e os vídeos individuais de cada unha delas.

Características destacadas:

- Vídeo interactivo con sinxelas preguntas ao final de cada bloque de coñecemento que permite o avance no contido ao responder correctamente ás cuestións e retroceder ao bloque temático anterior ao contestar de forma errónea.
- Liña temporal que permite coñecer o punto do vídeo actual, así como comprobar as parte xa visualizadas e as preguntas contestadas.

- Entrevistas a mulleres galegas expertas en IA que ofrecen unha experiencia audiovisual próxima ao alumnado, apelando á súa realidade cotiá.
- Explicacións sinxelas, dinámicas e vinculadas á actualidade da IA.
- Vídeo con subtítulos en galego.

■ **Idioma do contido:** Galego. As expertas interveñen en galego ou castelán segundo a súa elección. Incorpora subtítulos en galego.

Obxectivos:

- Comezar a introducir a IA nas nosas escolas, para que o alumnado non creza alleo a súa realidade senón cunha conciencia crítica e unhas habilidades que lle permitan desenvolverse nun mundo cambiante.
- Ofrecer ao alumnado diferentes visións sobre a IA da man de persoas expertas que a empregan no seu traballo en áreas moi diferentes.
- Pór en valor o traballo das investigadoras galegas en IA.
- Fomentar o recoñecemento da IA que empregamos de forma cotiá

(aplicacións móbiles, buscadores web, redes sociais etc.)

- Proporcionar recursos adaptados para traballar a IA na aula de xeito interdisciplinar ou para integralos no currículo de xeito específico.
- Fomentar o coñecemento, a reflexión e o pensamento crítico sobre o impacto da IA na vida das persoas.

Contidos:

- As mulleres galegas expertas en IA.
- Que é a IA, como recoñecela e onde atopala.
- Beneficios e riscos da IA.
- O futuro da IA.
- A muller na IA.
- A importancia de aprender IA.

Número de sesións estimadas:

Segundo criterio docente, dependendo dos coñecementos previos do alumnado e da profundidade coa que se queira traballar. O vídeo ten unha duración total de 08:57 min, pero dependendo do tempo no que o alumnado responda a todas as preguntas pode ser maior.

